

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-21147/25
Sarajevo, 30.09.2025. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14 i 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

I

Prihvata se ponuda ponuđača „ZZ GROS-COMP“ p.o. Hadžići, sa ponuđenom cijenom za ugovor u iznosu od 20.870,93 KM bez PDV-a, odnosno 24.418,99 KM sa PDV-om, u predmetu pregovaračkog postupka bez objave obavještenja o nabavci – „Izvođenje dodatnih radova na izgradnji objekta Dom kulture Ahatovići po osnovnom ugovoru broj 02/12-21750/23“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

III

Konstatuje se da je ponuđač iz člana I ove Odluke dostavio ovjerenu dokumentaciju koja se odnose na član 45. stav (2) tačka od a) do d) Zakona.

Obrazloženje

Na osnovu dostavljenog Izvještaja o radu Komisije za javne nabavke radova i preporuke za dodjelu ugovora konstatovano je da je da je Služba za investicije i komunalne poslove aktom br. 02/08-19-0023/24 MRU od 15.08.2025. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji objekta Dom kulture Ahatovići po osnovnom ugovoru broj 02/12-21750/23, a jer je stručno-tehnički nadzor „Radis“ d.o.o. Istočno Sarajevo dostavio akt broj NA-223-08/25 od 15.8.2025. godine u kojem nadzorni inženjer konstatuje da su radovi navedeni u ponudi opravdani i da ih je neophodno izvesti kako bi objekat bio funkcionalan, te da su količine iz ponude stvarno utvrđene na licu mjesta, a da su cijene u skladu sa tržišnim cijenama. Izvođenje naprijed navedenih radova je neodvojivo vezano za uspješnu realizaciju ugovora u tehničkom smislu, a sve u cilju kompletiranja jedne funkcionalne cjeline.

Također Služba konstatuje da je nakon uklanjanja ruševnog objekta (koji je tokom ratnih dejstava pretrpio značajna oštećenja) i pristupanju izvođenja zemljanih i betonskih radova neophodno izvesti određene pozicije koje nisu predviđene ugovorenim radovima, a radi sigurnosti i stabilnosti objekta. U pitanju su izrada tamponskog sloja ispod podne ploče u suterenu, zaštita za drenažne cijevi i hidroizolacija podne ploče i zidova suterena.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-21147/25 od 10.09.2025. godine - „Izvođenje dodatnih radova na izgradnji objekta Dom kulture Ahatovići po osnovnom ugovoru broj 02/12-21750/23“.

Procijenjena vrijednost nabavke shodno Odluci iznosi 21.456,93 KM bez PDV-a. Služba za zajedničke poslove je potom uputila poziv za učešće u pregovaračkom postupku broj 02/12-19-21147/25 od 11.09.2025. godine ponuđaču „ZZ GROS-COMP“ p.o. Hadžići.

Zapisnikom o otvaranju ponuda od 16.9.2025. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „ZZ GROS-COMP“ p.o. Hadžići sa ponuđenom cijenom za ugovor u iznosu od 21.456,93 KM bez PDV-a.

Komisija je izvršila analizu dostavljene inicijalne ponude br. 101-01-41/25 od 16.09.2025. godine i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja, dana 18.09.2025. godine stručna tehnička lica su pregovarala sa predstavnikom grupe ponuđača o mogućnosti smanjenja cijene ponude, te je ponuđač pozvan da u roku od tri (3) dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 103-01-41-A/25 od 19.09.2025. godine sa ponuđenom cijenom za ugovor u iznosu od 20.870,93 KM bez PDV-a, odnosno 24.418,99 KM sa PDV-om. Komisija je izvršila računsku kontrolu ponude i konstatovala da nije bilo računске greške. Nadalje, Komisija je izvršila uvid u osnovni ugovor zaključen sa ponuđačem, te ugovore koji za predmet imaju slične radove, te su stručna tehnička lica Komisije mišljenjem od 30.09.2025. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama.

Na osnovu navedenog Komisija je dala preporuku za dodjelu ugovora ponuđaču „ZZ GROS-COMP“ p.o. Hadžići.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14 i 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešlić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

